

intas ugni unyak : namu adai intas unyak aiek an nedo inivaijec unyum im nedo upene.

2 Namu jin ahilek nedo o nachea unyum aiek : et eti upene tah an nuhup unyum,

3 Is atnas vai nyak a natimi tak atimi irak ; is auad se nyak an nobohtan aien ; is atinyak aien mika ki amen ainyak an naupat et idivaig ra sji eigki eris emesmas ara itu acen.

4 Et idim olaered inliinmopok ainyak : et lep mas inliinmopok.

5 E' imiehva niji adiat itu acen ainyak ; ek aktaktai niji auritai asaga unyum ainyak ; ek aktaktai nauritai ira ikmam ainyak.

6 Ek atgeig yi apidi nikmak ehelum ainyak : et idivaig inpece et ti inwai iran inliinmopok ainyak, um mas vai eue. Sela.

7 Ak Ihova, auroauro um atahaijeg, intas unyak : et mas ehni inliinmopok ainyak : jin adinaig nesganimtam aiek vai nyak, va ki jin idivaig ra ainyak era asuol anli nehpan itai ara.

8 Ekmu atahaijeg nedo aiheuc unyum ainyak an nuhialek : ek idim asgeig iram ainyak : namu asjaainaig ehelek aiek an nefalaig ekpu atga iran ainyak ; et aridjai ehelum inliinmopok ainyak.

9 Ak Ihova, namu imiatamaig nyak aiek vai ilpu atimi tak irak : ekpu atpuh ehelum ainyak.

10 Esege intak mika ki ago nitai merit unyum ainyak : na Atua unyak aiek : etmu atau irak a nesgam upene an nefalaig upene.

11 Ak Ihova, namu imiatamumoh nyak aiek va nidlan : imiatamaig nyak va nohacred unyak va nedo upene unyum.

12 Namu lep ahni ilpu atimi tak atimi irak aiek, um auahas ra asaga era atijai nohacred irak ara : ek idim aheca unyum ainyak.

*SALM 144.*

1 Naamrineig vai Ihova inbeh-teuc unyak, et ika aien yi inijjenc nikmak u nehtauo, im nupsikmak u nedoa :

2 Inupene unyak im nirahed unyak : neom ipjin unyak im natimi imiatamaig nyak ; nitai atapen unyak ek asgeig iram ainyak ; na imiasuol nup iran pece unyak aiek vai nyak.

3 Ak Ihova, di natimi mika an ato yin aiek ! im inhal o natimi mika an aktaktai yin aiek.

4 Era idivaig intakitai natimi : et idivaig nalmui itei niji adiat iran et lep ti.

5 Ak Ihova, imiade pam nohatag um asuol sepam : aticee pan niji edoon etpu lepahes nadiran cop iran.

6 Aticijaig nauainapit aiek, um imiterimterim ra : aticijaig nidjan nafana unyum aiek um auahas ra.

7 Atgeig yi apidi nikmam aiek ijinies ; atipagki inwai esjilid irak um imiatamaig nyak vai nup irai tak aurin ;

8 Era asaig intakitai irai ipji eucsera ara, et lep amen nefaiifa an matara.

9 Ak Atua, ekpu acesaces nohranitai ainyak vai eue an nohranitai mat : ekpu acesaces nohranitai ainyak vai eue irai salteri et amen inya et ten iran.

10 Aien aigki et imiatamumoh ilpu atimarid aien : um imiatamaig Tevit va nautitoga has.

11 Imiatamaig nyak, um atipagki nyak an nikmai nup irai taka pece, era asaig intakitai an nipjineucsera ara, et lep amen nefaiifa an matara :

12 Erumu idivaig itai ahoagig et ededel a ilpu halav atamaig uja an takuras ura : um lep idivaig inhat uri nesvi va neom esjilid :

13 Etmu ohua niji eom ikni itai uja ira iji itai asaga : erumu ahad